

LLETRES NUEVES

*Cincu poemes, cuatro poetas**

Tarrecía

Tarrecía qu'aportares de sutrucu
y vinisti selemente,
escucando enantes.

Alfonso Pascal Ros¹

Del tiempu

Del tiempu
nada dixi
nin del vientu
nin de la borrina
de la tarde.
Tampocu
de la güeyada escura
la murnia pensatible
qu'atapaba les distancies.
Escaecí
l'aquelarre malditu
les telarañes pervieyes
unes flores desfueyaes
y
de sópitu
sentí
la desolada señardá.

Matilde Albert Robatto²

XII

Cabruña-y les llingües
nel clítoris la vengación;
mentantu
préstovos yo'l mio gargüelu
pal ritu ceremonial.

José García Pérez³

I

Cuartu d'hotel
Metá de nueche.

Rafael Marín⁴

II

Yera un empecináu llector de lliteratura
lleía tolo que-y cayía nes manes
fasta qu'un día refarfióse de llibros
y entós cayía-y de les manes tolo que lleera.

Rafael Marín⁴

* Torna: Xosé Lluis Campal.

¹ Del llibru *Primera reunión* (1995).

² Del llibru *Mágica saudade* (1995).

³ Del llibru *Improntu* (1995).

⁴ Del cartafueyu *Micropoemas* (1995).

Comu siempre

Nunca nun reconocí que me namorasti
nun lo reconozu inda güei dempués de llargos años d'amianza.
Agora que los versos son murnios y tristayos
y la raxón la mocedá piérdese pasu ente pasu.
Agora que les pasiones tórnense vezos
prestaríame tar contigo, contemplete, agasayate,
dexar volar el tiempu, y nel caberu entrín
volver a perder el tren.

Comu siempre

CHECHU GARCÍA

Tempranamente llegaron les andarines,
yera febreru.
Recuerdo'l porqué d'esti poema,
les siete tonalidaes del verdín claro,
la salitre la mar, el cielu plumizu,
l'orbayu ximiélgar al son del vientu,
la to mano xunto a la mía,
aquellos güeyos de roxá y felechu
que m'acariciaben la piel,
aquel rei de reis, emperador feliz
que viendo les siete tonalidaes de verdín claro
diose cuenta del tempranu llegar de les andarines
y supo del porqué d'esti poema.

CHECHU GARCÍA